

Nel mester termina negociacionnan cu e ta hiba

Rudy Croes ta keda Ministro por lo pronto

*Nel mester tin basta problema cu el a pidie keda

*Cierito grupo ta prefera Thijsen riba Marisol

ORANJESTAD(AAN)— Kende tin e dobel seis pa cera wega den su man? Adi Thijsen, cu hopi ta bisa cu nan a prefera di mira bira Ministro pa reemplaza Marisol? Edwin Jacobs cu Nelson Oduber a priminti trabao bon paga na Aruba Ports Authority? Loke nunca talvez Ministro Presidente Oduber a pensa cu e lo haci, a socede. Rudy Croes a cumpli cu su peticion y por lo pronto lo no baha. Segun fuentenan esaki ta duna Nelson Oduber espacio pa tene su Gobierno ariba pia pasobra tin varios negociacionnan cu e ta hiba cu diferente grupo, relaciona cu asuntonan di cual algun ya ta bisto.

For di dia Rudy Croes a bira Ministro, pa hasta hendenan den MEP, Nelson Oduber a worde forza pa biba cu un situacion cu e mes lo no a inventa. For di momento cu cielo a habri pa Rudy baha den seno di MEP, tabata visto cu den e partido tabata tin un division entre Nelson Oduber, cu finalmente a bisa e palabranan grandi cu el a reemplaza Betico Croes y cu e partido a bay dilanti, y Rudy Croes cu semper tabata tin su propio grupo. Mientras e aña aki Nelson Oduber den e caso di Namdar

a pone yiu di Betico Croes yora publicamente, haciendo uso di e problemanan cu Glenbert ta aden y su necesidad pa un trabao, den pasado tabata Nilo Swaen cu a dal porta cera pa dinastia Croes, ora Evelina no a haya e puesto mas halto na Direccion di Impuesto. Aparentemente e hecho cu Evelina a keda afor y ta worde menciona como candidato pa reemplaza Rudy Croes como Miembro di familia Croes ariba lista di MEP, informenan cu DIARIO a publica ta muestra, cu Nel por conta mas cu bendicion di Nilo pa e persona cu e a pone na cabez di e comision cu mester busca candidato nobo pa e partido. Cu e persona aki lo no bati na porta di Evelina, Nelson

Oduber mester sa pero e sa tambe cu su sosten den Parlamento no ta un harmonia. DIARIO a worde sorprende cu e ponencia cu tin hende a mira Adi Thijsen na lugar di Marisol. Lopez-Tromp, pasobra tempo tabata tin e caso den Corte entre e dos exponentenan di MEP, Adi tabata mas convincente pa loke ta trata principio. Pa Nelson Oduber mester a bini un salida y esey a bira cu loke a worde acorda tempo a forma Gabinete IV cu Rudy lo baha despues di dos aña, na e momentonan aki no por socede, pasobra e lo provoca reaccionnan. Pesey Nelson Oduber mester a pidi Rudy Croes keda pa e no haya su mes ta dicidi kende ta bira Ministro.

Falta di movecion no tin den MEP, segun informantenan cu a bisa cu Nelson Oduber mester di tempo pa termina negociacionnan cu e ta hiba cu gruponan cu poder financiero. Mientras cierto di e gruponan aki tin varios sector di Aruba hopi pendiente y hasta den ansia, y por bay afecta futuro di gobernacion bao cualquier partido, Nelson Oduber awor mester di tempo. El a haya tempo di Rudy Croes, cu dia 5 di Juni a

manda su carta na Departamento di Personal y Organizacion pa dia Promer di November e baha cu pension. Awor el a pidi e Departamento pa por lo pronto no actua segun peticion di e carta pero pa spera un rato mas. Por lo pronto pues Nelson Oduber por conta cu Rudy Croes ta den Gobierno como Ministro, aunke e distancia entre Santa Cruz y Bestuurskantoor lo sigui existi.

TELEFONNAN DI DIARIO
582-6747- FAX 582-8551

CACHO CU TA LADRA NO TA MORDE!!



BEST DEAL
Tel: 5827100
(Pariba di Aruba Bank, Paradera)
AGENDA PA SKOL
SPECIAL PRIJS